



KO TE

KAHITI O NIU TIRENI.

HE MEA TA I RUNGA I TE MANA O TE KAWANATANGA.

PONEKE, TAITE, NOEMA 27, 1919.

Whakaneke Arai i nga Tuku katoa mo tetahi Whenua Maori haunga ia te Tuku ki te Karauna.

LIVERPOOL, Kawana-Tianara.
OTA KAUNIHERA.

I te Whare o te Kawana i Poneke, i tenei te tekau ma wha o nga ra o Noema, 1919.

Tu ana i reira :

KO HIS EXCELLENCY TE KAWANA-TIANARA I ROTO I TONA KAUNIHERA.

I RUNGA i te kupu whakaae a te Poari Hoko Whenua Maori, e huaina nei i roto i tekiona toru rau e ono tekau ma toru o te Ture Whenua Maori, 1909, a i runga hoki i te whakahaerenga o te mana mo taua mahi kua whakawhiwhia ki a ia e taua tekiona, me tekiona kotahi rau kotahi tekau ma tahi o te Ture Whakatikatika Ture Whenua Maori, 1913 (kua whakatikatikaina nei e tekiona waru o te Ture Whakatikatika Ture Whenua Maori, Whakariterite Kereeme Whenua Maori, 1916), ko His Excellency te Kawana-Tianara o te Tominiona o Niu Tireni, i runga i te tohutohu me te whakaae a te Kaunihera Whiriwhiri o taua Tominiona, tenei ka whakaneke, mo nga marama tekau ma waru i te wa e whai mana ai tetahi Ota Kaunihera i mahia i te rua tekau ma tahi o nga ra o Mei, 1918, a i kabititia i te toru tekau o nga ra o Mei, 1918, arai i nga tuku katoa mo te whenua Maori e whakaaturia nei e te Kupu Apiti ki tenei, haunga ia te tuku ki te Karauna, ka tuwhera tera.

KUPU APITI.

WHANGAIPEKE Poraka : Tona nui e 5,690 nga eka ; Takiwa Ruuri o Piopotea me Maungaku.

F. D. THOMSON,
Karaka Riiwhi o te Kaunihera Whiriwhiri.

Arai i nga Tuku katoa o etahi Whenua Maori haunga ia te Tuku ki te Karauna.

LIVERPOOL, Kawana-Tianara.
OTA KAUNIHERA.

I te Whare o te Kawana i Poneke, i tenei te rua tekau ma wha o nga ra o Noema, 1919.

Tu ana i reira :

KO HIS EXCELLENCY TE KAWANA-TIANARA I ROTO I TONA KAUNIHERA.

I RUNGA i te kupu whakaae a te Poari Hoko Whenua Maori, e huaina nei i roto i tekiona toru rau e ono tekau ma toru o te Ture Whenua Maori, 1909, a i runga hoki i te whakahaerenga o te mana mo taua mahi kua whakawhiwhia ki a ia e taua tekiona, ko His Excellency te Kawana-Tianara o te Tominiona o Niu Tireni, i runga i te tohutohu me te whakaae a te Kaunihera Whiriwhiri o taua Tominiona, tenei ka arai mo te tau kotahi, timata atu i te ra i tuhia ai tenei Ota Kaunihera, i nga tuku katoa mo nga whenua Maori e whakaaturia nei i roto i te Kupu Apiti ki tenei, haunga ia te tuku ki te Karauna, ka tuwhera tera.

KUPU APITI.

TAKIWA RUURI O OHINEMURI.

Poraka.			Nga Eka.
			E. R. P.
WHANGAMATA Nama 4B 1	214 0 0
Whangamata Nama 4B 2B	244 3 35
Whangamata Nama 4C	168 1 8

F. D. THOMSON,
Karaka Riiwhi o te Kaunihera Whiriwhiri.

Arai i nga Tuku katoa mo tetahi Whenua Maori haunga ia te Tuku ki te Karauna.

LIVERPOOL, Kawana-Tianara.

OTA KAUNIHERA.

I te Whare o te Kawana i Poneke, i tenei te rua tekau ma wha o nga ra o Noema, 1919.

Tu ana i reira:

KO HIS EXCELLENCY TE KAWANA-TIANARA I ROTO I TONA KAUNIHERA.

IRUNGA i te kupu whakaane a te Poari Hoko Whenua Maori, e huaina nei i roto i tekiona toru rau e ono tekau ma toru o te Ture Whenua Maori, 1909, a i runga hoki i te whakahaerenga o te mana mo taua mahi kua whakawhiwhia ki ia e taua tekiona, ko His Excellency te Kawana-Tianara o te Tomionona o Niu Tireni, i runga i te tohutohu me te whakaane a te Kaunihera Whiriwhiri o taua Tomionona, tenei ka arai, mo te tau kotahi, timata atu i te ra i tuhia ai tenei Ota Kaunihera, i nga tuku katoa mo te whenua Maori e whakaaturia nei i roto i te Kupu Apiti ki tenei haunga ia te tuku ki te Karauna, ka tuwhera tera.

KUPU APITI.

RANGITOTO A Nama 7: Tona nui 1,328 nga eka; Takiwa Ruuri o Wharepapa.

F. D. THOMSON,

Karaka Riiwhi o te Kaunihera Whiriwhiri.

Whakaatu kua mutu tetahi Whenua te ekengia e Wahi XIV o te Ture Whenua Maori, 1909.

LIVERPOOL, Kawana-Tianara.

OTA KAUNIHERA.

I te Whare o te Kawana i Poneke, i tenei te rua tekau ma wha o nga ra o Noema, 1919.

Tu ana i reira:

KO HIS EXCELLENCY TE KAWANA-TIANARA I ROTO I TONA KAUNIHERA.

NOTEMEA kua meinga hei ture e tekiona iwa tekau ma ono o te Ture Whakatikatika Ture Whenua Maori, 1913, ka ahei te Kawana-Tianara i ia wa i ia wa, i runga i te Ota Kaunihera, ki te ki ko tetahi whenua e ekengia ana e Wahi XIV e Wahi XV ranei o te Ture Whenua Maori, 1909 (ka huaina i raro nei ko "taua Ture"), a kua tau atu hoki ki tetahi Poari Whenua Maori, me mutu te ekengia e aua Wahi o taua Ture, a me whakahoki atu ano ki nga Maori no ratou taua whenua.

A notemea ko te whenua e whakaaturia nei e te Kupu Apiti ki tenei, e ekengia ana i naianei e Wahi XIV o taua Ture, a kua tau ki te Poari Whenua Maori o te Takiwa o Tokerau, a kua whakaane taua Poari me mutu te ekengia o taua whenua e taua Wahi XIV o taua Ture, engari me whakahoki atu taua whenua ki nga Maori no ratou.

A notemea kua marama te Kawana-Tianara kaore taua whenua e ekengia ana e tetahi riihi, raihana, kanataraka hoko, ahua tuku ke atu ranei, a kaore kau he moni e pungaia ana ki taua whenua ki nga reweniu ranei o taua whenua i raro i nga tikanga o taua Ture o tetahi mana ke atu ranei.

Na reira, ko His Excellency te Kawana-Tianara o te Tomionona o Niu Tireni i runga i te whakahaerenga me te whakautukitanga i nga kaha me nga mana kua whakawhiwhia ki ia e tekiona iwa tekau ma ono o te Ture Whakatikatika Ture Whenua Maori, 1913, a i runga hoki i te tohutohu me te whakaane a te Kaunihera Whiriwhiri o taua Tomionona, tenei ka panui ko te whenua e whakaaturia nei e te Kupu Apiti ki tenei kua mutu te ekengia e Wahi XIV o te Ture Whenua Maori, 1909, engari me whakahoki atu ki nga Maori no ratou taua whenua.

KUPU APITI.

KATO A tetahi wahi whenua, tona nui e 319 nga eka e 3 nga ruuri e 36 nga paati, nui atu iti iho ranei, e mohiotia ana ko Otakauini G Nama 1 Poraka, kei roto i te Takiwa Ruuri o Kaipara, Takiwa Whenua o Akarana Raki.

F. D. THOMSON,

Karaka Riiwhi o te Kaunihera Whiriwhiri.

He Whakaaturanga i te Hiahia tango Whenua i roto o Poraka VI. i te Takiwa Ruuri o Waihou, kia ngawari ai te whakahaerenga i te Awakeri me era Mahi i nga Mania o Hauraki kia ngawari ake ai ranei nga Tuku i nga Whenua Karauna i roto i taua Takiwa.

HE whakaaturanga tenei e hiahia ana kia tangohia, i raro i nga tikanga o te Ture o nga Mahi mo te Katoa, 1908, me te Ture mo nga Mania o Hauraki, 1908, te

whenua kua whakamaramatia i roto i te Kupu Apiti ki tenei kia ngawari ai te whakahaerenga i te awakeri i era atu mahi ranei kua whakamanaia nei e te Ture tuarua, kia ngawari ake ai ranei nga tuku i nga whenua Karauna kei roto i taua takiwa. A he whakaaturanga ano hoki tenei ko te mapi o te whenua e hiahia nei kia tangohia kua oti te whakatakoto ki roto ki te Poutapeta i Kerepehi, a e takoto tuhera ana i reira hei tirotirohanga; a ko nga tangata katoa e pangia ana e te tangohanga i taua whenua, mehemea he take tika a ratou hei whakahe ki te tangohanga i taua whenua, me tuhituhi taua whakahe a me tuku taua whakahe, i roto i nga ra e wha tekau i muri iho i te putanga tuatahi o tenei panuitanga, ki te Minita mo nga Mahi mo te Katoa, ki Poneke.

KUPU APITI.

TE nui o te whenua e hiahia ana kia tangohia: E 4 nga eka e 2 nga ruuri; Ongarehu, ara Te Kata-a-te-Kawau, Poraka. Kei roto i Poraka VI, Takiwa Ruuri o Waihou (Takiwa Rehita o Akarana). (S.O. 20644.)

Kei roto i te Takiwa Whenua o Akarana; kua ata whakaaturia i runga i te mapi kua maakatia P.W.D. 47362, kei roto i te Tari o te Minita mo nga Mahi mo te Katoa i Poneke, e takoto ana i roto i te Takiwa Whenua o Poneke, he whero te kara o nga tapa.

Ina hoki toku ringa i Poneke i tenei te 21 o nga ra o Noema, 1919.

W. FRASER,

Minita mo nga Mahi mo te Katoa.

He Whakaaturanga i te Hiahia tango Whenua i roto o Poraka VI, i te Takiwa Ruuri o Waihou, kia ngawari ai te whakahaerenga i te Awakeri me era Mahi i nga Mania o Hauraki kia ngawari ake ai ranei nga Tuku i nga Whenua Karauna i roto i taua Takiwa.

HE whakaaturanga tenei e hiahia ana kia tangohia, i raro i nga tikanga o te Ture o nga Mahi mo te Katoa, 1908, me te Ture mo nga Mania o Hauraki, 1908, nga whenua kua whakamaramatia i roto i te Kupu Apiti ki tenei kia ngawari ai te whakahaerenga i te awakeri i era atu mahi ranei kua whakamanaia nei e te Ture tuarua, kia ngawari ake ai ranei nga tuku i nga whenua Karauna kei roto i taua takiwa. A he whakaaturanga ano hoki tenei ko te mapi o nga whenua e hiahia nei kia tangohia kua oti te whakatakoto ki roto ki te Poutapeta i Kerepehi, a e takoto tuhera ana i reira hei tirotirohanga; a ko nga tangata katoa e pangia ana e te tangohanga i aua whenua, mehemea he take tika a ratou hei whakahe ki te tangohanga i aua whenua me tuhituhi taua whakahe a me tuku taua whakahe, i roto i nga ra e wha tekau i muri iho i te putanga tuatahi o tenei panuitanga, ki te Minita mo nga Mahi mo te Katoa, ki Poneke.

KUPU APITI.

Te Nui o te Whenua e hiahia ana kia tangohia.

Ko tetahi Wahi o

E.	R.	P.	
18	1	33	Tekiona 5A 2A, Makumaku Poraka.
4	2	35	Tekiona 5A 2B, Makumaku Poraka.
29	1	0	Tekiona 5A 2C, Makumaku Poraka.
30	1	38	Tekiona 5A 2D 1, Makumaku Poraka.
5	3	6	Tekiona 5A 2D 2, Makumaku Poraka.
23	0	27	Tekiona 5A 2D 3, Makumaku Poraka.
78	0	9	Tekiona 5A 2D 4, Makumaku Poraka.

He whero nga tapa ara te kara i runga i te mapi P.W.D. 47303. (S.O. 20500.)

52	0	30	Tekiona 3B, Makumaku Poraka.
5	1	21	Tekiona 5B 1A, Makumaku Poraka.
29	3	32	Tekiona 5B 1B, Makumaku Poraka.
14	2	15	Tekiona 5B 2, Makumaku Poraka.
23	3	4	Tekiona 5B 3, Makumaku Poraka.
9	0	38	Tekiona 5C 2A 1, Makumaku Poraka.
18	1	15	Tekiona 5C 2A 2, Makumaku Poraka.
115	1	27	Tekiona 5C 2B, Makumaku Poraka.
18	1	22	Tekiona 5D, Makumaku Poraka.
30	1	10	Tekiona 5E, Makumaku Poraka.
20	0	26	Tekiona 5F, Makumaku Poraka.

He whero nga tapa ara te kara i runga i te mapi P.W.D. 47304. (S.O. 20576.)

Kei te takoto i roto o Poraka VI, Takiwa Ruuri o Waihou. Katoa kei roto i te Takiwa Whenua o Akarana; kua whakamaramatia na i roto i nga mapi kua maakatia a kua pania ki nga kara e mau i runga ake nei a kua whakatakorita nei ki roto ki te Tari o te Minita mo nga Mahi mo te Katoa i Poneke, i roto i te Takiwa Whenua o Poneke.

Ina hoki toku ringa, i Poneke, i tenei te 21 o nga ra o Noema, 1919.

W. FRASER,

Minita mo nga Mahi mo te Katoa.

WHAKAHAERE WHENUA MAORI.

Huinga o te Poari Whenua Maori o te Takiwa o Ikaroa.

Poneke, 25 o Noema, 1919.

HE panuitanga tenei kia mohiotia ai ko nga take e whakahuatia ana i roto i te Kupu Apiti kua tuhia ki raro nei, ka uiuia a te huinga o te Poari Whenua Maori o te Takiwa o Ikaroa ki Hohitingi a te Turei, te 16 o nga ra o Tihema, 1919, a te 10.30 o nga haora i te ata, a muri tata atu ranei ina watea i etahi atu o ona raruraru.

TE MAKE, Kai-rehita.

KUPU APITI.

TONO KIA WHAKATUTURUTIA Nga Tukunga Hoko.

Nama.	Nama o te Pukapuka.	Te Ingoa o te Whenua.	Nga Ingoa o nga Tangata e whai Tikanga ana.
1	1919/147	Waipuka 2L ..	Hukarere Maremare ki a Henrietta Christina Glazebrook.
2	1919/160	Otuarumia B 6A Nama 6 ..	Areta Rerekau Ehetere Kopina, Raima Mangai, me Heremia te Whairangatea ki a Thomas Angells.
3	1919/199	Poupoutahi D Nama 4 ..	Mutu Heremia, Ruruhira Heremia, me Renata Kercama ki a George Priest.
4	1919/261	Tahoraiti 1A Nama 2 ..	Ehetere Rautahi ki a Edith Hewitt.
5	1919/267	Ngatarawa 2E Nama 6 ..	Pineaha Mohiki me Tutere te Takau ki a Howard Moore Glazebrook.
6	1919/274	Tekana 1A Nama 5 ..	Te Otaea Paraone ki a Mere Tupaea.
7	1919/275	Waimarama 3A Nama 5, Tekiona 1 ..	Tu Tiakitai ki a Turereiao Gillies.
8	1919/278	Kahukura Nama 2B ..	Roka Hare Wirikake me Teoti Kerei Tehoia Wirikake ki a Francis Henry Best.
9	1919/279	Waipuka 2c Nama 1 ..	Horianana Mataira, Tu Tiakitai, Iraia Karauria Morehu Turoa, me Erena Karauna ki a Neri Akuhata.

TONO KIA WHAKATUTURUTIA Nga Tukunga Rihi.

Nama.	Nama o te Pukapuka.	Te Ingoa o te Whenua.	Nga Ingoa o nga Tangata e whai Tikanga ana.
10	1919/128	Moteo Hapua te Pirau 1c Nama 5c ..	Porokoru Mapu ki a Thomas Cornelius Higgins.
11	1919/262	Tahoraiti 1A, Tekiona 5 ..	Matene Ihaka ki a Henry Frederickson.
12	1919/269	Kakewahine Nama 2A ..	Mutu Marereira ki a Ernest S. Priest.
13	1919/270	Pukekura Rawhiti 1B Nama 1 ..	Taha Kaha Mahue Pohatu, Matewai Pura, Iwi Mahue Pohatu, Matewai Pera Tuheni Pohatu, Hine Tohunga Pohatu, Matewai Mahue, Te Tauranga Mahue, me Arawhita Mahue ki a David William Priest.
14	1919/273	Pukehamoamo F Nama 2 me Ohiti-Waitio Nama 5B ..	Erena Katauria ki a Thomas Edwin Elliott.
15	1919/276	Patangata 2r, Tekiona 1 ..	Meri Pori ki a Mabel Theresa Witherow.
16	1919/277	Patangata 2g, Tekiona 1 me 2 ..	William Edwards ki a Mabel Theresa Witherow.

TONO KIA HUIHUI MAI Nga Tangata i raro i Wahi XVIII o te Ture Whenua Maori, 1909.

Nama.	Nama o te Pukapuka.	Te Ingoa o te Whenua.	Te Ahua o te Tuku.
17	1919/263	Ahataura Nama 2 ..	He hoko ki a Norman White.
18	1919/272	Waimarama 3A 6B Nama 5 ..	He hoko ki a Turereiao Gillies.
19	1919/280	Te Koau Poraka (wahi) ..	He hoko ki a Alexander McDonald, tamaiti, me Rose McDonald.

ERA ATU AHUA TONO.

Nama.	Nama o te Pukapuka.	Te Ingoa o te Whenua.	Te Ahua o te Tono.
20	1919/127	Karamu F me F Nama 2 ..	(1.) Tono kia whakaactia e te Kawana-Tianara i roto i tono Kaunihera i raro i tekiona 230, te mokete: Taranaki Kanara te Uamairangi ki te De Pelichet, McLeod, me Kamupene (Limited). (2.) Kia whakatuturutia taua mokete.
21	1919/56	Waimarama 3A 5, Tekiona 6 ..	Tono mana ki te wai i a Tu Tiakitai ki a Ngahina T. Gillies.
22	1919/57	Waimarama 3A 5, Tekiona 6 ..	Tono mana ki te wai i a Tu Tiakitai ki a W. F. Stratton me etahi atu.
23	1919/192	Koparakore B Nama 1 ..	Tono kia whakaae te Poari ki te whakawawhitinga rihi i raro i Wahi XVIII mai i a John William White ki a Cecilia Leo White.
24	1919/259	Tangoio Tonga A Nama 4 ..	Tono kia whakatuturutia te rihi ki a Erena Harawira i raro i Wahi XVI o te Ture Whenua Maori, 1909.
25	1919/268	Patangata Nama 1F ..	Hoko o te rihi: Takerei Ihaia ki a Ernest S. Priest.
26	1919/271	Patangata 4A 2A, Tekiona 2 ..	Raro-rihi a Hoani Ratima ki a Simeon Johnston Land.

Whakaaturanga ka tu he Huinga o nga Tangata no ratou a Okere Nama 1c Nama 1 Poraka i raro i Wahi XVIII o te Ture Whenua Maori, 1909.

REKUREIHANA NAMA 52.

TENEI te Poari Whenua Maori o te Takiwa Whenua Maori o Waiariki ka whakaatu ka tu he huinga o nga tangata no ratou a Okere Nama 1c Nama 1 Poraka, i runga i te whakahaerenga o Wahi XVIII o te Ture Whenua Maori, 1909, ki Takeke a te Turei, te 16 o nga ra o Tihema, 1919, hei whiriwhiri i te motini e whai ake nei:—

“Ko tetahi hoko e whakaarohia ana o te whenua ki a William Richard Holmes me whakaae atu.”

I tubia ki Rotorua i tenei te 22 o nga ra o Noema, 1919.

H. P. EIHANAN,
Perehitini.

Whakaaturanga ka tu he Huinga o nga Tangata no ratou a Whitianga 2b 6 Poraka i raro i Wahi XVIII o te Ture Whenua Maori, 1909.

REKUREIHANA NAMA 52

TENEI te Poari Whenua Maori o te Takiwa Whenua Maori o Aotea ka whakaatu ka tu he huinga o nga tangata no ratou a Whitianga 2b 6 Poraka, i runga i te whakahaerenga o Wahi XVIII o te Ture Whenua Maori, 1909, ki Whanganui a te Paraire, te 12 o nga ra o Tihema, 1919, a te 10 o nga haora i te ata, hei whiriwhiri i nga motini e whai ake nei:—

“Ko taua whenua me rihi ki a John Harrison Robson mo nga tau e wha tekau ma rua, mo te moni reti 1s. 6d. mo te eka i te tau o nga tau e rua tekau ma tahi tuatahi a mo nga tau e rua tekau ma tahi whakamutunga ko te moni reti kia rite ki te 5 paiheneti o te wariu whakapaingakore a te Kawanatanga i te tau 1939. Me whai mana te kai-tango rihi ki te tua ki te hoko i nga rakau katoa i runga i taua whenua i runga i te utu roereti e rite ana ki te wariu a te Kawanatanga mo nga rakau i runga i taua whenua, ko te utu me rota haere i ia wa i ia wa o roto i te tekau tau; ki te kore tera me peni.

“Me whaimana a John Harrison Robson ki te tope ki te hoko i nga rakau katoa e taora te mahi e te mira tapahi rakau mo nga tau tekau ma rima mo te moni roereti e rite ana ki te wariu a te Kawanatanga o nga rakau o taua whenua me uru atu ano hoki ki roto ki taua whakamananga nga kaha me nga tikanga katoa e whakaarua nei ki nga whakariteritenga pera.”

I tubia ki Whanganui i tenei te 22 o nga ra o Noema, 1919.

HEMI W. PARAONE,
Perehitini.

Whakaaturanga ka tu he Huinga o nga Tangata no ratou a Papatu A 8b Poraka i raro i Wahi XVIII o te Ture Whenua Maori, 1909.

REKUREIHANA NAMA 52.

TENEI te Poari Whenua Maori o te Takiwa Whenua Maori o Tairawhiti ka whakaatu ka tu he huinga o nga tangata no ratou a Papatu A 8b Poraka, i runga i te whakahaerenga o Wahi XVIII o te Ture Whenua Maori, 1909, ki Kihipane a te Paraire, te 19 o nga ra o Tihema, 1919, a te 10.30 o nga haora i te ata, hei whiriwhiri i te motini e whai ake nei:—

“Ko tetahi rihi o Papatu A 8b Poraka me whakaae atu ki a Mabel Pilmer, wahine a William Claymore Pilmer, o Kihipane, tangata hokohoko kararehe, mo nga tau e rua tekau ma tahi mo te moni reti a tau e 7s. mo te eka.”

[Ko te wariu a te Kawanatanga mo te poraka e £2,552.]

I tubia ki Kihipane i tenei te 19 o nga ra o Noema, 1919.

M. KIRIWHETA,
Perehitini.

Whakaaturanga ka tu he Huinga o nga Tangata no ratou a Aohuna 1d Poraka i raro i Wahi XVIII o te Ture Whenua Maori, 1909.

REKUREIHANA NAMA 52.

TENEI te Poari Whenua Maori o te Takiwa Whenua Maori o Tairawhiti ka whakaatu ka tu he huinga o nga tangata no ratou a Aohuna 1d Poraka, i runga i te whakahaerenga o Wahi XVIII o te Ture Whenua Maori,

1909, ki Kihipane a te Paraire, te 19 o nga ra o Tihema, 1919, a te 10.30 o nga haora i te ata, hei whiriwhiri i te motini e whai ake nei:—

“Me hoko atu a Aohuna 1d Poraka ki a Mereana Herewini Hoone, wahine a Tiaki Hoone, o Manutuke, he tangata Maori mahi pasamu, mo te moni e rite ana ki te wariu o naianai a te Kawanatanga.”

[Ko te wariu a te Kawanatanga mo te poraka e £640.]

I tubia ki Kihipane i tenei te 19 o nga ra o Noema, 1919.

M. KIRIWHETA,
Perehitini.

Whakaaturanga ka tu he Huinga o nga Tangata no ratou a Pouawa Nama 5 Poraka i raro i Wahi XVIII o te Ture Whenua Maori, 1909.

REKUREIHANA NAMA 52.

TENEI te Poari Whenua Maori o te Takiwa Whenua Maori o Tairawhiti ka whakaatu ka tu he huinga o nga tangata no ratou a Pouawa Nama 5 Poraka, i runga i te whakahaerenga o Wahi XVIII o te Ture Whenua Maori, 1909, ki Kihipane a te Paraire, te 19 o nga ra o Tihema, 1919, a te 10.30 o nga haora i te ata, hei whiriwhiri i nga motini e whai ake nei:—

“(1.) Ko taua Pouawa Nama 5 Poraka me rihi atu ki a Ralph Manley Gore, o Turihau, he kai-whakahaere teihana-hipi, mo nga tau e rua tekau ma tahi mo te moni reti a tau e rite ana ki te 5 paiheneti o te wariu topu o naianai a te Kawanatanga hui atu hoki ki te utu kapeneheihana mo nga whakapainga ara, mo nga whare me nga taiepa ranei o nga rohe; ki te kore ranei tera,

“(2.) Me hoko taua whenua ki a Ralph Manley Gore mo te moni £17 mo te eka mo te moni ranei o te wariu a te Kawanatanga mo taua whenua.”

[Ko nga moni kua pau i nga whakapainga kei runga i te poraka e £240. Ko te wariu a te Kawanatanga mo te poraka e £840.]

I tubia ki Kihipane i tenei te 19 o nga ra o Noema, 1919.

M. KIRIWHETA,
Perehitini.

Whakaaturanga ka tu he Huinga o nga Tangata no ratou a Rangatira 3h Poraka i raro i Wahi XVIII o te Ture Whenua Maori, 1909.

REKUREIHANA NAMA 52.

TENEI te Poari Whenua Maori o te Takiwa Whenua Maori o Tairawhiti ka whakaatu ka tu he huinga o nga tangata no ratou a Rangatira 3h Poraka, i runga i te whakahaerenga o Wahi XVIII o te Ture Whenua Maori, 1909, ki Kihipane a te Paraire, te 19 o nga ra o Tihema, 1919, a te 10.30 o nga haora i te ata, hei whiriwhiri i te motini e whai ake nei:—

“Ko te rihi o Rangatira 3h Poraka me whakaae atu ki a Nomana Ro (Norman Law), o Te Karaka, he rangatira paparakauta, mo nga tau e rua tekau ma tahi mo te moni reti a tau £1 i te eka.”

[Ko te wariu a te Kawanatanga mo taua whenua e £445 (30 Hepetema, 1919).]

I tubia ki Kihipane i tenei te 19 o nga ra o Noema, 1919.

M. KIRIWHETA,
Perehitini.

CONTENTS.

LANDS—	PAGE
Extending Prohibition of Alienation of certain Native Land other than Alienation in favour of the Crown	829
Prohibiting all Alienation of certain Native Land other than Alienation in favour of the Crown	829-830
Declaring Land to be no longer subject to Part XIV of the Native Land Act, 1909	830
Taking Land for Drainage Purposes	830
NOTICES—	
Meeting of the Ikarua District Maori Land Board at Hastings	831
Meetings of Assembled Owners—	
Waiariki District	832
Aotea District	832
Tairawhiti District	832